

KUSHTET E PERGJITHSHME **TE KONTRATES PER SIGURIMIN E PARAVE NE UDHETIM**

DISPOZITA TE PERGJITHSME

1. Kushtet e Pergjithshme te kontrates per Sigurimin e Parave ne Udhetim, ketu me poshte do te quhen shkurtimisht "Kushtet e Sigurimit".

1.1. **Shoqeria e Sigurimit SIGAL Insurance Group SH.A** ketu me poshte do te quhet "Siguruesi".

1.2. Personi fizik ose juridik interesi pasuror i te cilit do te mbulohet sipas ketyre Kushteve te Sigurimit per Sigurimin e Parave ne Udhetim, ketu me poshte do te quhet shkurtimisht "I Siguruari".

1.3. Kontrata per Sigurimin e Parave ne Udhetim, e lidhur midis Siguruesit dhe te Siguruarit, ketu me poshte do te quhet shkurtimisht "Polica e Sigurimit".

OBJEKTI I SIGURIMIT

2. Kartmonedha në formën e valutave të ndryshme perfshire kartmonedhen Shqiptare, deri ne kufirin e permedur ne Policen e Sigurimit.

Pasuria e siguruar mund te jete ne pronesi te te Siguruarit ose e mbajtur nga i Siguruari ne cdo forme qe e ben te Siguarin pergjegjes per humbjen e saj.

RREZIQET E SIGURIMIT

3. Siguruesi demshperblen te Siguarin per humbjen ose demtimin e pasurise se siguruar gjate udhetimit nen ruajtjen e punonjesve ose nen ruajtjen e shoqerise transportuese apo siguruese, me qellim transportimin ne emer te te Siguruarit.

4. Mbulimi ne sigurim sipas ketyre Kushteve te Pergjithshme do te filloje nga momenti kur punonjesi ose shoqeria transportuese apo siguruese merr ne dorezim pasurine ne emer te te Siguruarit dhe do te perfundoje menjehere me dorezimin ne destinacion nga punonjesi dhe shoqeria transportuese apo siguruese .

PERJASHTIME

5. Ky sigurim do te mbuloje humbje apo demtim te pasurise vetem ne se shuma e kesaj humbje apo demtimi tejkalon shumen qe i Siguruari perfiton sipas:

- kontrates se te Siguruarit me shoqerine transportuese apo siguruese;
- mbulimit ne sigurim te kesaj shoqerie transportuese apo siguruese ndaj klienteve te saj;
- cdo lloj tjetër mbulimi ne sigurim dhe demshperblimi ne fuqi ne cdo lloj forme te kryer nga apo ne perfitim te klienteve te kesaj shoqerie transportuese apo siguruese; dhe ne kete rast ky sigurim do te mbuloje vetem pjesen e shumes qe tejkalon kufijte e siperpermendur.

6. Sigurimi CIT nuk mbulon demet qe shkaktohen drejtperdrejt apo indirekt prej:

- zhdukjeve misterioze;
- mashtimit dhe jobesueshmerise se punonjesve;
- grevave, kryengritjeve, trazirave dhe turbullirave civile.
- luftes, pushtimit, invazionit, veprimeve te armiqve te huaj, veprimeve luftarake (pavaresisht ne se eshte shpallur lufte ose jo), luftes civile, rebelimeve, revolucionit, kryengritjeve, fuqive ushtarake apo pushtuese, konfiskimeve ose shtetezimeve ose rekuizimeve ose shkaterrimeve te pasurise nga apo ne baze te urdherave te cdo qeverie oae autoriteti publik ose lokal;

- e. rrezatimit jonizues ose ndotjes radioaktive nga lende berthamore ose rezerve berthamore ose nga shperthimi i lendeve berthamore;
- f. lendeve radioaktive, helmuese, shperthyese ose lende te tjera te rrezikshme apo ndotese te instalimeve berthamore, reaktoreve berthamore apo njesive te tjera berthamore ose elementeve berthamore;
- g. cdo arme lufte qe shfrytezohet zberthimin dhe/ose bashkimin berthamor apo te ngjashme me to.

TARIFA E PRIMIT TE SIGURIMIT

7. Tarifa do te caktohet ne baze te shumes se sigurimit, masave mbrojtese dhe kushteve te transportit.

Tarifa do te caktohet vecanerisht per cdo Police Sigurimi.

PRIMI I SIGURIMIT

8. Primi i sigurimit llogaritet duke shumezuar tarifen e primit te sigurimit me shumen e siguruar.

9. Primi i sigurimit mund te paguhet teresisht ose me keste, sipas ketyre rregullave:

- a. kur periudha e sigurimit eshte nen 1 vit, si rregull, primi i sigurimit do te paguhet njeheresh;
- b. kur periudha e sigurimit eshte 1 vit, si rregull, primi i sigurimit do te paguhet me dy keste.

10. Ne rastin e pageses se primit te sigurimit me dy keste, data e pageses se kestit te dyte do te caktohet jo me vone se kater muaj nga data e pageses se kestit te pare, sipas percaktimit ne Policen e Sigurimit.

11. Rregullimi perfundimtar i mases se primit do te behet me perfundimin e periudhes se sigurimit ne formen dhe menytrat e percaktuara ne Policen e Sigurimit.

12. Pagesa e primit ose kesteve te tij, behet prane deges ose agjencise se Siguruesit ku eshte leshuar Polica e Sigurimit.

Pagesa do te quhet e kryer ne momentin e kalimit te shumes se caktuar ne llogarine bankare te Siguruesit.

13. Primi i sigurimit paguhet ne monedhen e percaktuar ne Policen e Sigurimit.

PJESA E ZBRITSHME

14. Ne rastet e ndodhjes se ngjarjes se sigurimit, do te zbatohet pjese e zbritshme. Masa e pjeses se zbritshme do te percaktohet ne Policen e Sigurimit, por nuk mund te kaloje 25 per qind te shumes se siguruar.

15. Siguruesi nuk pergjigjet per pjesen e zbritshme te percaktuar ne Policen e Sigurimit. Pjesa e zbritshme zbatohet per cdo rast demi.

POLICA E SIGURIMIT

15. Polica e Sigurimit lidhet ne baze te kerkeses me shkrim te te Siguruarit.

Siguruesi leshon Policen e Sigurimit dhe percakton primin e sigurimit ne baze te njoftimeve dhe deklarimeve te bera nga i Siguruari. Kerkesat dhe njoftimet e deklarimet e tjera te te Siguruarit i bashkengjiten Polices se Sigurimit.

16. I Siguruari, me nenshkrimin e Polices se Sigurimit, eshte pergjegjes lidhur me sakesine dhe vertetesine e njoftimeve e deklarimeve te bera prej tij.

17. Siguruesi ka te drejte te verifikojte vertetesine e njoftimeve e deklarimeve te te Siguruarit e te kryejte inspektime per sakesim te dhenash.

18. Polica e Sigurimit mund te perfundoje ne cdo kohe nga i Siguruari duke i drejtuar kerkese me shkrim Siguruesit. Ne kete rast Siguruesi ka te drejte te mbaje ose marre pjesen e primit ne perpjestim me kohezgjatjen e Polices se Sigurimit.

19. Polica e Sigurimit mund te zgjidhet nga Siguruesi duke lajmeruar 30 dite me pare me shkrim te Siguruarin. Ne kete rast, Siguruesi do te mbaje ose marre pjesen e primit ne perpjestim me demshperblimin e paguar dhe kohezgjatjen e Polices se Sigurimit.

20. Polica e Sigurimit mbetet ne fuqi per nje afat 15 ditor dhe pas dites se fillimit te detyrimit per pagimin e keshtit te dyte te primit te sigurimit.

21. Mospagimi i keshtit te dyte te primit te sigurimit sjell pasojat e meposhtme:

a. Siguruesi ka te drejte te zgjidhe Policen e Sigurimit;

b. demshperblimin e reduktuar ne masen 50 per qind per humbjet dhe demtimet e vertetuar perpara perfundimit te afatit te mbulimit ne sigurim sipas keshtit te pare te primit te sigurimit;

c. kthimin nga i Siguruari te demshperblimeve te paguara ne masen 50 per qind per cdo humbje e demtim te vertetuar perpara perfundimit te afatit te mbulimit ne sigurim sipas keshtit te pare te primit te sigurimit.

22. Kushtet e percaktuara ne Policen e Sigurimit nuk mund te ndryshohen, pervecse me shtojce qe eshte pjese e Polices nenshkruar nga punonjesi i Siguruesit.

Duke pranuar Polices e Sigurimit, i Siguruari pranon se Polica perfshin te gjitha marreveshjet ekzistuese ndermjet te Siguruarit dhe Siguruesit ose Agjenteve te tij ne lidhje me kete mbulim ne sigurim.

PERIUDHA E SIGURIMIT

23. Periudha e Sigurimit, si rregull, eshte 1 vit, pervec rasteve kur ne Policen e Sigurimit percaktohet ndryshe, por jo me pak se tre muaj.

24. Sigurimi fillon nga ora 24 e dites se percaktuar ne Policen e Sigurimit, me kusht qe te jete paguar me pare primi i sigurimit ose kesti i tij i pare.

DETYRIME

25. I Siguruari detyrohet:

a. te zbatoje masat e rregullat e sigurimit te percaktuara ne menyre specifike ne Policen e Sigurimit dhe te tregojte perkujdesjen e duhur per parandalimin e demit;

b. te regjistroje pasurine e siguruar sipas dispozitave ligjore ne fuqi dhe ne menyre te tille qe Siguruesi te mund te percaktojte me sakte shumen e siguruar dhe masen e humbjes.

NGJARJA E SIGURIMIT

26. Eshte kusht paresor per pergjegjesine e Siguruesit qe per cdo ngjarje qe mund te jete shkak per kerkese demshperblimi, i Siguruari menjehere duhet:

a. te informoje menjehere organet perkatese te Rendit dhe t'u jape atyre te gjitha ndihmen e nevojshme per identifikimin dhe kapjen e personit(nave) pergjegjes dhe gjetjen e pasurise se vjedhur;

b. te njoftojte me shkrim Siguruesin;

c. t'i jape Siguruesit te gjitha informacionin dhe ndihmen e kerkuar.

27. Ne rast se i Siguruari deklaroi kerkese per demshperblim duke e ditur se eshte e pavertete ose mashtruese, per sa i perket shumave ose cdo elementi tjeter, mbulimi ne sigurim pushon se ekzistuar dhe te gjitha kerkesat per demshperblim anulohen.

EKSPERTIMI

28. Siguruesi brenda 10 diteve nga njoftimi i te Siguruarit duhet te filloje ekspertimin e demit te ndodhur.

29. Ne rastet kur i Siguruari nuk pranon pjeserisht apo plotesisht aktekspertimin e Siguruesit, e njofton ate me shkrim brenda 3 diteve nga marrja e ketij akti.

Lidhur me mosmarreshjen, te dyja palet caktojne nje ekspert tjeter ose nje grup ekspertesh te perbere nga perfaqesues te tyre ose te trete.

Eksperti ose grupi i eksperteve te lartpermendur nuk kane te drejte te riekspertojne apo te vazhdojne riekspertimin e filluar kur vertetohen demtime te tjera te pasurise se siguruar. Ne keto kushte, procedura e ekspertimit do te rifillonte sipas nenit me siper.

30. Ekspertet duhet:

- a. te verifikojne dhe sqarojne rrethanat e ngjarjes;
- b. te verifikojne sakesine e deklarave apo pershkrimeve qe rezultojne nga aktet kontraktore dhe te percaktojne ne se ne momentin e demtimit ekzistonin rrethana qe kishin ndryshuar rrezikun dhe nuk ishin komunikuar;
- c. te verifikojne ne se i Siguruari ka plotesuar detyrimet e tij;
- d. te kryejne vleresimin e demit, konform Kushteve te Sigurimit dhe Polices se Sigurimit.

KERKESA PER DEMSHPERBLIM

31. I Siguruari, per marrjen e demshperblimit, i paraqet Siguruesit kerkese me shkrim sipas formularit te furnizuar nga Siguruesi.

32. Siguruesi pagan demshperblimin pasi ka marre akt-ekspertimin perfundimtar dhe vetem ne qofte se i paraqitet kerkesa me shkrim nga i Siguruari.

DEMSHPERBLIMI

33. Siguruesi pagan ose refuzon pagimin e demshperblimit brenda 30 diteve nga ajo e marrjes se kerkeses per demshperblim.

Fillimi i afatit pezullohet per aq kohe sa demshperblimi nuk mund te paguhet ose percaktohet per shkak te te metave qe ka i Siguruari.

34. Siguruesi mund te shtyje pagesen e demshperblimit:

- a. per aq kohe sa ekzistojne dyshimet mbi te drejten e te Siguruarit per te marre pagesen;
- b. ne qofte se eshte filluar ceshtja penale lidhur me ngjarjen e sigurimit ndaj te Siguruarit ose njerit prej punonjesve te tij deri ne perfundimin e nje procedure te tille.

35. Siguruesi pergjigjet per demet qe vertetohen gjate periudhes se mbulimit ne sigurim, por shuma e pergjithshme e demshperblimeve nuk mund te jete me e larte se shuma e siguruar e treguar ne Policen e Sigurimit.

36. Ky sigurim nuk do te demshperbleje deme per te cilat i Siguruari perfiton demshperblim nen kontrata te tjera.

Ben perjashtim pjesa e demit qe tejkalon shumen qe do te ishte mbuluar nen kontratat e tjera ne rastin kur Polica e percaktuar nga keto Kushte Sigurimi te mos ishte ne fuqi.

37. Ne rast pagese demi sipas kesaj Police, Siguruesi do te kete te drejte te perfitoje te drejten e te Siguruarit per te kerkuar kthimin e te drejtave pasurore ose cdo te drejte tjeter legale ndaj cdo personi ose organizate.

I Siguruari do te veproje me te gjitha menytrat e duhura per te siguruar keto te drejta.

I Siguruari nuk do te beje asnje veprim per te paragjykuar keto te drejta.

Kushte paraprake per pagesen e demshperblimit do te jene si vijon: Banka duhet te kryejte transportin e mjeteve monetare ne perputhje me ligjet dhe rregulloret perkatese ne fuqi per kete qellimi, si Ligji nr. 75/2014, per "Sherbimin Privat te Sigurise " dhe

Udhëzimit të Ministrit të Punëve të Brendshme nr. 157, datë 1.04.2015. Banka duhet të plotësojë pyetësin, formën e plotë, të nënshkruar dhe vëlosur nga personat përgjegjës për nënshkrimin të kontratës së sigurimit ose nëse pranohet nga Siguruesi/t, brenda një muaji nga data e lëshimit të kontratës së sigurimit. Në rast se Banka nuk i vë në dispozicion Siguruesi/t kopje të kontratës së përgjegjësisë profesionale për kompaninë e ruajtjes dhe transportit të mjeteve monetare me mbulim të plotë të shumës që transporton, atëherë ajo duhet të vetëdeklarojë se kompania e sigurimit fizik është e siguruar në një kompani sigurimi me sigurimin e përgjegjësisë profesionale për Shumën e plotë të parave që merr në perkujdesje, ruajtje dhe kontroll.

SHKRIRJA OSE NDRYSHIMI I PRONESISE OSE KONTROLLIT TË VEPRIMTARISË EKONOMIKE

38. Polica e Sigurimit, lëshuar në bazë të ketyre Kushteve të Sigurimit, do të pushojë menjëherë çdo lloj mbulimi në sigurim në rast të likuidimit (vullnetar ose të detyrueshëm) të të Siguruarit, ose futjes në marreveshje të tilla.

39. I Siguruari do të lajmërojë menjëherë Siguruesin për:

- a. çdo bashkim ose shkrirje me veprimtari të tjera ekonomike ose çdo blerje, dhënie, transferim, lenie peng apo shitje të pasurive apo aksioneve që shkaktojnë ndryshime në pronësinë ose kontrollin, financiar ose tjetër, të veprimtarisë ekonomike;
- b. heqjen e kontrollit të të Siguruarit mbi veprimtarinë ekonomike nga çdo Qeveri apo zyrtar i caktuar nga çdo Qeveri apo Autoritet Lokal.

40. Kusht për vazhdimin e mbulimit në sigurim është që i Siguruari t'i japë menjëherë Siguruesit informacionin që Siguruesi do të kërkojë dhe i Siguruari të paguajë primin shtesë sic mund të kërkojë Siguruesi si rrjedhojë e këtij ndryshimi.

ZGJIDHJA E MOSMARREVESHJEVE

41. Për çdo mosmarreveshje që nuk zgjidhet me mirekuptim, palet do t'i drejtohen Gjykatës së vendit ku është lëshuar Polica e Sigurimit.